



O Comité de Xestión do Programa Operativo de Cooperación Territorial España-Portugal (POCTEP) 2007-2013, financiado polo Fondo Europeo de Desenvolvemento Rexional (FEDER), acordou conceder ao proxecto Eurocidade a candidatura presentada no mes de abril, polo que o 75% do valor solicitado será financiado por este fondo.

Este proxecto conta como socios beneficiarios o Concello de Verín e o Municipio de Chaves, e atópase estruturado nos bloques que conforman a Axenda Estratéxica, e que son os seguintes: - **Eurociudadanía**, no que se tenta promover accións dirixidas ao fomento dun sentimento de pertenza a unha mesma unidade territorial, ademais de potenciar algunhas accións xa existentes -axenda cultural común- e outras novas como a

tarxeta do eurociudadán

-con beneficios no sector público e privado para os habitantes-, unha

rede de transporte

que comunique ambos municipios, así como a posta en funcionamento dunha

Oficina Xuvenil

e un

Local de Ensaio Transfronteirizos

-que estarán situados na antiga aduana, en Feces de Abaixo, un edificio do que tamén se cofinancia a súa rehabilitación-.

- **Proxectos de dinamización económica**, entre eles destacamos **Unidade de Desenvolvemento de Produtos Turísticos da Eurocidade**, **animación dos centros de comercio tradicional** e un **proxecto de fronteira comercial aberta**; así como un **sistema de iniciativas empresariais da Eurocidade**.

- **Territorio Sostible**, onde o proxecto fundamental é o traballo para sentar as bases dunha futura **ordenación conxunta do territorio**.